



Broj: 01-04-4- 1881 /23  
Datum: 03.07.2023. godine

**Poziv za učešće u procesu javnih konsultacija–  
Nacrt strateške platforme Strategije razvoja Općine Stari Grad Sarajevo  
za period 2023-2027. godine**

Shodno odredbama Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 32/17), Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije Bosne i Hercegovine“, broj: 32/17), Uredbe o izradi strateških dokumenata u Federaciji Bosne i Hercegovine („Službene novine Federacije Bosne i Hercegovine“, broj, 74/19), Statuta Općine Stari Grad Sarajevo – Prečišćeni tekst („Službene novine Kantona Sarajevo“ broj: 20/13), Općinsko vijeće Stari Grad Sarajevo je donijelo Odluku o pristupanju izradi Strategije razvoja Općine Stari Grad Sarajevo za period 2023-2027 godine, broj: 02-45-159/23 od 23. februara 2023. godine. Nakon donošenja naprijed navedene Odluke, imenovan je Radni tim Rješenjem Općinskog načelnika Općine Stari Grad Sarajevo o uspostavljanju radnih tijela broj: 01-04-4-788/23 od 3. marta, 2023. godine, te je odabran konsultant kao ekspertna podrška u procesu izrade Strategije nakon čega su uslijedili sastanci Radnog tima i radnih grupa u cilju izrade strateškog dokumenta.

Nakon prihvatanja Nacrta strateške platforme od strane Radnog tima, stekli su se uslovi da se ovaj dokument dostavi u proces obaveznih javnih konsultacija, koje su propisane Uredbom o izradi strateških dokumenata u Federaciji Bosne i Hercegovine i podrazumijevaju uvid javnosti i zainteresovanih strana počevši od 03.07.2023. godine, a u trajanju od 30 dana. Cilj provođenja javnih konsultacija je postizanje saglasnosti oko ključnih elemenata strateške platforme.

Nacrt strateška platforma se sastoji od situacione analize, SWOT i PEST matrice, strateških fokusa, vizije, strateških ciljeva i indikatora i dostupan je na web stranici Općine Stari Grad Sarajevo ([www.starigrad.ba](http://www.starigrad.ba)). Cijeneći naprijed navedeno, pozivamo sve zainteresirane subjekte da svoje komentare, sugestije i primjedbe dostave putem obrasca koji je dostupan uz ovaj poziv, i to putem protokola Općine Stari Grad Sarajevo, ul. Zelenih beretki broj 4, ili putem maila: [kabinet@starigrad.ba](mailto:kabinet@starigrad.ba).

**Ovlaštena državna službenica za vršenje poslova  
iz nadležnosti Općinskog načelnika**

**Mirsada Smajić, dipl.iur.**

